

Gi-zaaga'am na? Weweni babaa-ayaan.




Gaa-izhichigeyin gichi-inendaagwan

Gikendan ge-izhichigeyin ji-ayaanwaamiziyaan, giin gaye godak awiyag.

✗ Gego omaa izhaaken:

 Biindig gaa-izhi-gashki'ayaag	 Gaa-izhi-baatiinowaad awiyag	 Besho ji-wiijigaabawitawad awiya
--	---	--

✓ Bizhishig:

 Abin endaayin gaawin awiya waabamaaken giishpin aakoziimanji'oyin	 Bizindaw ekidowaad mino-ayaawin gaa-naagajitoowaad	 lgi eta gaa-agaasiinowaad gaa-waabamadwaa gidinawemaaganag waabam
--	---	---

Gikendan aaniin epiichi-naniizaanendaagwak ji-aazhoo'igooyin

Giishpin gashkitooyin waawaasa ji-onji-waabamadwaa awiyag zaaga'aman, gaye gigishkaman aagwiingwe'onan gaye weweni izhichigewaad gaa-izhaayin ji-aazhoo'idisigwaa gaa-ayaawaad imaa, gaawin aapiji gi-daa-aazhoo'igosii.

Gi-wiindamaagoo wegonen maawach neniizaanendaagwak gaye gaawin aapiji giishpin biminizha'igaadeg gaa-ikidowaad mino-ayaawin gaa-naagajitoowaad. Biindig izhaang, giishpin gaye ginwesh ayaayin imaa, baatiinowaad awiyag, gaye giishpin biibaagiwaad nagamowaad ososodamowaad awiyag.

Gaawin aapiji gi-daa-aazhoo'igosii	Bangii naniizaanendaagwan	Maawach gaa-naniizaanendaagwak
 Baakinaman gaa-biijinizha'amaagoo yin	 Ando-giishkaanikwezh ogooyin	 Minikwewigamigooon gaye gaa-dazhiniiming gii-dibikak
 Maa'ishkaman ezhi-naagajitoowaad weweni aazhoo'iwewin adaawewigamigong	 Ando-waabamad mashkikiwinini gemaa bakodaabidebizhiwewi nini	 Gagwejiwigamigooon gaye gaa-izhizoongiwigiiwaad
 Bagwadakamig dazhikeyin	 Nibewigamigong izhaayin	 Gichi-naabikwaan gichi-jiimaan gaye gaa-izhi-okwiinong.
 Bimibizoyin (giin eta gemaa gaa-wiijidaamadwaa)	 Booziyin daakisiing gemaa boozinitawad awiya	 Gikinjiinad awiya, ojiimad gaye zaginjiinad awiya
 Ando-babaamoseyin	 Anokiiyin ozhibii'igewigamigong	 Gaa-izhi-okwiinowaad gaa-anama'aawaad gaa-anishinaabewichigewaa d gaye
 Giizizekweyin agwajiiing endaayin gaa-wiijidaamadwaa wiijiiwadwaa	 Odaminoyin agwajiiing gaa-izhi-odaminowaad abinoojiiyag	 Gaa-dazhi-odaminowaad agawjiiing awi-ganawaabiyan namadabiyan
 Wiisiniwigamigong onji-andodaman miijim	 Ando-mazinaatesijigey in	 Ataagewigamigooon
 Agwajiiing gaa-danabiwaad izhaayin gemaa jiigibiig	 Agwajiiing gaa-danabiwaad wiisiniwigamigong	 Gaa-izhi-booziwaad niibiwa awiyag daabishkoo basing anaamakamig basing
 Bimibatooyin, bimoseyin bimaagoweba'odizoyin giin eta gemaa waasa onji	 Gikino'amaadiwigamig ong, gaa-oko-daaniwang, abinoojiiwigamigong	 Gaa-mooshkina'idiwaad wiisiniwigamigong biindig
 Waawaasa namadabiyeg agwajiiing wiidoopamadwaa awiyag	 Bagizoowigamigong	 Agwajiiing gaa-dazhi-odamino'iding
 Waawaasa onji-wiiji-odaminoyin agwajiiing	 Gichi-adaawewigamig ong, godak gaa-izhi-okwiinowaad niibiwa awiyag	 Bepesho gaa-zaaminidig odaminowinan daabishkoo football basketball.
	 Gichi-wiidigeng gaye na'inind awiya gaa-gii-nibod	 Gaa-dazhi-okwiinowaad gaa-maawaji'idiwaad
	 Mawadisindwaa gaa-gitaadiziwaad gemaa gaa-aakoziwaadizwaad endaawaad	 Gaa-bizindawindwaa nagamoowiniwag gemaa gaa-biibaagiwaad awiyag
		 Ji-wiipemaasiwad awiya gaa-oshki-gikenimad
		 Biindig ji-dazhi-wiisining ji-minikweng ji-baatiinowaad awiyag

Nisidotan epiichi-naniizaanendaagwak gegoont

					
Nishike-abiyin endaayin gemaa gaa-wiijidaamadwaa eta	Agwajiiing wiijiiwadwaa gaa-wiijidaamadwaa gemaa nasine gaa-wiijiiwadwaa	Agwajiiing waawaasa ji-onji-ganoonindiyeg	Agwajiiing/biindig ajina eta	Biindig niibiwa awiyag ginwesh	Biindig/agwajiiing baatiinowaad awiyag ginwesh nawach



Wiiji'iwon ji-manaa-aazhoo'iding

Debinan iwe COVID Alert app gaa-izhinikaadeg.



Giishpin giyaabi wii-gikendaman iwe GOOBID-19:

canada.ca/le-coronavirus

1-833-784-4397